

**Qamutit motoorillit akileraarutaat pillugit Inatsisartut inatsisaata
allanngortinneqarnerannik Inatsisartut inatsisisaaattut siunnersuut
Aningaasaqarnermut Nunanilu Avannarlerni suleqatigiinnermut Naalakkersuisumit
saqqummiunneqartoq**

pillugu

Akileraatarnermut Akitsuusisarnermullu ataatsimiititaliap

ISUMALIUTISSISSIONAA

Siunnersuutip aappassaaneerneqarnissaanut saqqummiunneqartoq

Inatsisartut Akileraartarnermut Akitsuusisarnermullu ataatsimiititaliaa suliarinninnermini ukuninnga inuttaqarpoq:

Inatsisartunut ilaasortaq, Niels Thomsen (siulittaasoq), Demokraatit
Inatsisartunut ilaasortaq, Harald Bianco (siulittaasup tullia), Inuit Ataqatigiit
Inatsisartunut ilaasortaq, Kaali Olsen Inuit Ataqatigiit
Inatsisartunut ilaasortaq, Karl Lyberth, Siumut
Inatsisartunut ilaasortaq, Akitsinnguaq Olsen, Siumut

Akileraartarnermut Akitsuusisarnermullu ataatsimiititaliap ulloq 28. september 2010 siunnersuutip siullermeerneqarnerata kingunerisaanik siunnersuut pineqartoq misissuataarpaa

Siunnersuutip imarisaa siunertaalu

Siunnersuutip kingunerissavaa qamutit motoorillit oqimaassutsiminnut agguataarneqarnertik malillugu akitsuutaasa 10-50 %-imik qaffanneqarnerat.

Oqinnerpaamik oqimaassusillit (900 kg. tikillugu oqimaassusillit) akitsuutaat 10 %-inik qaffanneqassaaq. Akunnattumik oqimaassusillit (901 kg.-imiit 1.500 kg.-imut) akitsuutaat 20 %-inik qaffanneqassapput.

Oqimaassutsip nutaap pilersinneqartup (1.501 kg.-imiit 1.800 kg-imut) tassani akitsuut 30 %-imik qaffanneqassaaq. Ukiuni kingullerni qamutinik motoorilinnik oqimaannerusunik taamaalillunilu mingutsitsinerusunik eqqussuiniartoqarnerulersimanera nutaamik oqimaassusiliinermi tunngavilersorneqarpoq. Aammattaaq tamanna tunuliaqtalaralugu qamutinut motoorilinnut oqimaannerpaanut (1.800 kg. sinnerligit) akitsuutip 50 %-inik qaffanneqarnissaa siunnersuutigineqarpoq.

Motorcykelit akitsuutaat 10%-inik qaffanneqarnissaa siunnersuutigineqarpoq.

Inatsisartuni siunnersummik siullermeerinninneq

Inuit Ataqatigiit siunnersummut tapersiipput tassungalu atatillugu avatangiisinut iluaqutaasumik sunniutigijumaagassai immikkut erseqqarissarlugit. Aammattaaq **Demokraatit** siunnersummut tapersiipput tassungalu atatillugu avatangiisinut sunniutissaata saniatigut Nunatta Karsianut iluaqutaanissa ersarissarlugu. **Kattusseqatigiit Partiita** aamattaaq taakku tunngavilersuutigalugit siunnersummut tapersiipput. **Siumut** siunnersummut tapersersuinngilaq inuussutissarsiutillu ineriartortinneqarnissaat kiisalu aningaasartuuteqarnerunermiit allaffissornikkut sipaaruteqarnissaq tunngavilersuutigalugu. Aammattaaq biilit anginerusut mikinerusuninngaanniit avatangiisinut mingutitsinerusarnerat ilanngullugu uppernarsaqeqarpoq. **Atassutip** siunnersuutip avatangiisitigut iluaqtissartai akuerai, taamaattorli siunnersummut tapersiinngillat illoqarfinni aqqusiniluttuni akitsuut aamma qaffanneqassamat.

Ataatsimiititaliap siunnersummik suliarinninnera

Qamutit motoorillit akitsuutaat kingullermik 2003-imi (Qamutit motoorillit akileraarutaat pillugit Inatsisartut inatsisaata allanngortinneqarneranik Inatsisartut inatsisaat nr. 14 7. november 2003-imeersoq) allanngortinneqarsimammat Ataatsimiititaliamit maluginiarneqarpoq. Piffissami 2003-miit 2010-imut akinik iluarsiissummut naleqqersuut piffissami 2003-miit 2010-mut 16 %-it missaannik qaffariarsimasoq Naalakkersuisut paasissutissiissutigaat. Taamaallunilu akinik iluarsiissummut sanilliullugu akileraarutip piffissami 2003-miit 2010-mut allanngortinneqarsimanngitsup 16 %-it missaannik mangiarneqarneranik kinguneqarmat ataatsimiititaliamit oqaatigineqassaaq.

Qamutit motoorillit akitsuutaasaa 10, 20, 30 aamma 50 %-inik oqimaassutsini assigiinngitsuni qaffanneqarnissaannik siunnersuut kinguneqassaaq qamutinut 900 kg.-it tikillugit oqimaassusillit akitsuutaat 2003-imut suli appasinnerusutut isigineqartariaqassaaq qaffaatissanut siunnersuutigineqartunut sanilliullugu. Qamutit motoorillit akitsuutaat akinik iluarsiissummut sanilliukkaanni taamaattoq akitsuut suli 2003-imut sanilliullugu 6 %-inik appasinnerussaaq. Tamanna motorcykelinut aamma atuuppoq.

Qamutinut motoorilinnut 901 kg.-iniit 1.500 kg-inut oqimaassusilinnut tassunga assingusumik 2003-imut sanilliullugu 4 %-it miss. qaffasoqassaaq.

Qamutinut motoorilinnut 1.501 kg.-iniit 1.800 kg-inut oqimaassusilinnut 2003-imut sanilliullugu 14 %-it missaannik qaffaaneruvoq. Oqimaassuseq nutaajusoq Ataatsimiititaliamit maluginiarneqarpoq taamaattumillu sanilliussineq akinik iluarsiissutip ineriartorneranut akitsuut siunnersuutigineqartoq taamaallaat sanilliullugu isiginiarneqassaaq.

Qamutinut motoorilinnut 1.801 kg-iniit qummut oqimaassusilinnut 2003-imut sanilliullugu 34 %-it missaannik qaffaanerussaaq.

2003-imilli akitsuutit ingerlaavartumik iluarsineqartarsimanninnerat tunngaviusumik pitsaasuuunginnerat ataatsimiititaliap isigaa. Nunatta Karsiata isertitaasa piffissami sivisungaatsiartumi mangiarneqarsimanerat iluarsiisarsimannginnerup kinguneraa. Ingerlaavartumik iluarsiissuteqartarneq aningaasartuutit annertuumik qaffakkiartornerannut killiliisuuvvoq. Taamaattumik Naalakkersuisunut isumaliutersutigeqquneqarpoq akitsuut akitigut siumut isigisumik iluarsaakkaanni pissusissamisuunnginnerussanersoq imaluunniit allatigut akinik iluarsiisarneq ingerlaavartumik qulakteerlugu, assersuutigalugu aningaasanut inatsimmi oqaasertaliussat aqqutigalugit. Tassunga atatillugu Naalakkersuisut isumaliutersuutai pillugit Ataatsimiititaliaq ilisimatinneqarnissaminik kissaateqarpoq.

Qamutit motoorillit anginerusut (oqimaannerusut) mikinerusuninngaanniit avatangiisinut mingutsitsinerusarnerat upternarsarneqarsimanersoq pillugu siullermeerininnermi qularutiginninneq ersersinnejarpoq. Taamatut inisisimasoqarnera pillugu Naalakkersuisut ataatsimiititaliamut nassuaateqarsimapput qamutit motoorillit anginerusut mikinerusuninngaanniit kilometerimut ikummattissamik atuinerusarmata avatangiisinullu mingutitsinerusarnerat qularutigineqasaangimmat pissutissaqalersitsinngitsoq ataatsimiititaliaq isumaqarpoq. Siunnersuut avatangiisinut sunniutilimmik iluaquutasussaammat tamanna Ataatsimiititaliamit qularutigineqanngilaq. Taamaattorli akitsuutit qaffaataasa avatangiisinut sunniutaasa Naalakkersuisunit nakkutigeqqissaarneqarnissaat, taamaalluni ilaatigut siunissami avatangiisit pillugit suliniutit sapisngisamik paasissutissanik Kalaallit Nunaanni katersorneqarsimasunik toqqammaveqarsinnaaqqullugit Ataatsimiititaliaq isumaqarpoq. Aammattaaq suliaq taanna Nukissiuuteqarneq pillugu kisitsisitigut paasissutissat tak. Inatsisartut 2011-imut aningaasanut inatsisissatut siunnersummi Konto pingaerneq 73.95.03 suliarineqarneranut pissusissamisoortumik ilanngunneqassaaq. Aammattaaq Akileraartarnermut ataatsimiititaliap Naalakkersuisut kaammattussavai Eqqissisimatitsinermut Avatangiisinullu ataatsimiititaliaq suliaq una pillugu ilisimateqqullugu.

Nunatsinni biilit agguaqatigiissillugu pisoqaavallaarnerat siullermeerininnermi aammattaaq ilanngullugu upternarsarneqarpoq. Taakku biilit oqinnerpaajugaluartulluunniit 80-ikkunneersut 90-ikkunneersullu avatangiisinut immikkut ittumik annertuumik eqquisarnerat, assersuutigalugu bremseminnik aquutiminnillu akornuteqarnertik pissutigalugu sillimaniarnikkut ajornartorsiortitsisinnanerat Ataatsimiititaliamit ilimagineqarluinnarpoq. Taamaattumik nunami maani piffisanut aalajangersukkamik biilink misissuisoqartalernissa Naalakkersuisut tigussaasumik suliniutigisariaqaraat Ataatsimiititaliamit oqaatigineqassaaq. Tassunga atatillugu suliaqarnermi danskit akuutinnejarnissaat akuutinnejanninggaalluunniit aalajangerneqassaaq. Selineq taanna pillugu Eqqissisimatitsinermut Avatangiisinullu Ataatsimiititaliamut ilisimatississeqartarnissamik

Naalakkersuisut Akileraartarnermut Akitsuusisarnermullu Ataatsimiititaliamit aammattaaq kaammattorneqarput.

Siunnersuutip aningaasaqarnikkut kingunissai

Siunnersuutip piviusunngortinnejnarnerani aningaasaqarnikkut kingunerisassat siunnersuummut nalinginnaasumik nassuaatit ataani nassuiarneqarput. Qamutit motoorillit akitsuutaasa ukiumut 2011-imi 17 mio. kr.-it missaannik ukiunullu missingersuusiorfiusunut ataasiakkaanut Nunatta Karsianut isertitsissutaasussatut missiliunneqartut tassani allassimavoq. Atugassiissutit taakku 2011-imut aningaasanut inatsisisstatut siunnersuummi missingersorneqartunut konto pingarnermi 24.11.11-imut ilaatinneqarput.

Kommunip biiliutaanut 94-inut 370.000 kr.-it missaannik ukiumut aningaasartuuteqarnerunissaq Qaasuitsup Kommuniata tusarniaanermi akissuteqaataani ilisimatitsissutigineqarmat aammattaaq Ataatsimiititaliamit oqaatigineqassaaq. Kommunitit allanit kisitsisinik takussutissaqanngilaq, kisiannili aamma taakku assingusumik inisisimanissaat ataaatsimiititaliamit ilimagineqarpoq. Taamaalilluni Kommunit biiliutiminnik nalimmassaasinnaagunik aningaasartuuteqarnerunissaq apparsarsinnaassagaat Ataatsimiititaliamit ilimagineqarpoq.

Ataatsimiititaliap inassuteqaatai

Ataatsimiititaliami amerlanerussuteqartut Inuit Ataqatigiinneersut Demokraatineersullu siunnersuut akuersissutigineqassasoq inassutigaat.

Ataatsimiititaliami ikinnerussuteqartut Siumumeersut siunnersuut pillugu ima oqaaseqarumapput:

Angallanneq eqqarsaatigalugu soorlu kommuninut aamma namminersorlutik inuussutissarsiortnunut aningaasaqarnikkut sunniutissat naammaginartumik paasissutissiissutigineqarsimannngitsut Siumumiit isumaqarfingineqarput. Taamaattumik siunnersuummi sunniutissat paasissutissiissutigineqarnissaat siunertalarugu Aningaasaqarnermut Naalakkersuisup ataaatsimiititaliamit apeqqarissaarfingineqarnissa Siumut kissaateqarpoq kisiannili ataaatsimiititaliami amerlanerussuteqartut tamanna itigartippaat. Taamaattumik siunnersuut Siumumit tapersorsorneqanngilaq isumaqarfingineqalunilu akitsuutinik qaffaanerninngaanniit inuussutissarsiutit ineriartortinnejqarnissaat kiisalu allaffissornikkut sipaarniuteqarnissaq isiginiarneqartariaqartut.

Tamanna tunngavigalugu siunnersuut itigartinneqassasoq ikinnerussuteqartut siuliani taaneqartut inassutigaat.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.

Niels Thomsen, Siulittaasoq

Harald Bianco

Kaali Olsen

Karl Lyberth

Akitsinnguaq Olsen